

重刻陸宣公翰苑集

一函
一函
三冊

重刻陸宣公翰苑集序

自古經濟文章兼擅爲難而經濟文章之出於道德爲尤難然非本以聖賢之學問則道德僅成爲氣質之美而經濟文章亦不足見重於天下後世若唐之陸宣公者所謂聖賢之學問亦卽所謂聖賢之道德者也今所傳翰苑集一名奏議經濟文章具見於是前人論之備矣宋蘇子瞻當時奏請校正進讀但以爲智比子房才如賈誼似矣而公之智究非子房之智所能擬公之才亦非賈誼之才所能盡蓋公之經濟文章一出於學問

道德而不徒以才智爲能集中議論發揮無非經書精
要之旨一切功名雜霸之習無一毫見於詞氣至其分
別邪正義利之界明白正大是真不愧爲聖賢之學問
道德而亦不愧爲聖賢之經濟文章者矣明薛文清公
稱其爲王佐之才 國朝張清恪公謂公之文卽孔曾
思孟之所傳不外是矣沈端恪公又謂公是書直可謂
之忠經公嘗曰吾上不負天子下不負所學然則公爲
聖賢之學其亦可信也已此 聖朝所以獨隆從祀之
典歟惟公書隸事甚多讀者或致茫然乾隆中張蓀圃

佩芳詳加註解亦可謂篤嗜公書者矣柏君子餘讀而
愛之刊以公世嘉惠士林豈淺渺哉儒者有志正學卽
以公之學問爲學問而自勉於道德異日正君忠國如
公經濟文章不獨爭烈董葛韓范且將追休伊傅周召
則公之志雖不獲稍伸於當日者猶或大施於異時豈
不幸哉是則公之心而柏君所以重刻之意也光緒壬
辰四月望日三原賀瑞麟謹序

唐陸宣公翰苑集卷首

欽定四庫全書簡明日錄翰苑集

唐陸贄撰或題陸宣公奏議沿讀書志之誤也贄文多用駢句蓋當日之體裁然真意篤摯反復曲暢不復見排偶之迹新唐書不收四六獨錄贄文十餘篇司馬光資治通鑑錄其疏至三十九篇上下千年所取無多於是者經世之文斯之謂矣

新增

...

...

...

禮部議奏原疏

禮部謹

奏爲遵

旨議奏事內閣抄出掌山東道監察御史吳傑奏請以

唐臣陸贄從祀一摺奉

硃批禮部議奏欽此查原奏內稱

孔庭從祀典禮攸崇前代名臣原不必盡升兩廡若其

事功彪炳而又言醇學粹遠契心傳者祀典旣闕

于列朝

盛舉宜行于

聖代

臣

伏考唐臣陸贄貞元再造功耀寰區唐書稱其

論諫數十百篇皆本仁義炳如丹青宋儒楊時謂贄當擾攘之際說其君未嘗用術數可爲論天下事法陸九淵又謂賈誼就事上說仁義陸贄就仁義上說事是以贄之奏議有稱爲仁義百篇唐孟子者是其純粹精微實能上宗鄒嶧而契洙泗之心源特贄年少得君出入帷幄值師旅倥傯之際未遑講學著書臣案從祀諸人如諸葛亮范仲淹

歐陽修等原不必皆有講學之名而贄學術粹然
本仁祖義舉而措之可致純王上理觀贄自謂上
不負天子下不負所學兩言固已印合道真踐履
無媿矣贄謫忠州別駕卒於任所祠墓俱存臣前
督學四川按試忠州閬邑士民熙熙然景慕前賢
咸以未列從祀爲憾伏見我

皇上廣運并包

特崇祀典如明臣黃道周劉宗周等均已

准列從祀

尊儒重道正學昌明極千載一時之

盛遇而贄在唐世權德輿已稱其道與伊說爭衡文與

典謨接軫厥後宋臣司馬光作資治通鑑採贄奏

疏至三十九篇之多蘇軾等又請校正贄奏議進

讀以爲三代以還一人而已是當時後世於贄備

極推崇而從祀闕如蓋千百年彰微闡幽之

鉅典實有待於

陛下應請

敕下禮臣詳悉核議等語臣等查康熙五十四年題准

以宋儒范仲淹從祀

聖廟位列東廡唐儒韓愈之次雍正二年遵

旨議定以縣直牧皮樂正子公都子萬章公孫丑漢諸葛

亮宋尹焞魏了翁黃幹陳淳何基王柏元趙復金

履祥許謙陳澔明羅欽順蔡清

本朝陸隴其二十人增祀

文廟乾隆二年以元儒吳澄復祀太學在東廡元儒趙
復之次道光二年三年五年節經遵

旨議准以明臣劉宗周從祀西廡以

本朝湯斌從祀東廡明臣黃道周從祀東廡本年復
遵

旨議奏以明臣呂坤從祀西廡各在案伏思先儒耐饗
廟庭必其人扶持名教羽翼

聖經有裨學術人心始堪升諸從祀之列典至鉅也茲
查唐書本傳陸贄嘉興人年十八第進士中博學
宏詞授鄭縣尉以書判拔萃轉渭南簿累官翰林
學士兵部侍郎遷中書侍郎平章事旋罷政事貶
忠州別駕卒贈兵部尙書諡曰宣權德輿序其集

謂贄從德宗幸奉天時書詔旁午灑翰卽成無不
曲盡事情中於機會詔下武夫悍卒皆揮涕激發
贄自以年少特蒙知遇不可與眾浮沉軍國利害
巨細必陳在相位推賢讓能舉直錯枉道與伊傅
爭衡文與典謨接軫等語至我

朝

御選古文淵鑑稱其燭理於微論事舉要深識遠慮忠悃
之情溢於楮墨

欽定提要稱其於古今來政治得失之故無不深切著明

足爲萬世龜鑑是贊之有功正學不媿醇儒似無
遺議惟恭查雍正二年禮部等衙門遵

旨議奏從祀諸儒欽奉

世宗憲皇帝諭旨先儒從祀

文廟關係學術人心必詳加考證折衷盡善爾等所議
從祀諸儒雖皆有功經學然戴聖何休未爲純儒鄭眾
盧植服虔范甯謹守一家言轉相傳述視鄭康成之淳
質深通似乎有閒至如唐之陸贄宋之韓琦勳業昭垂
史冊自是千古名臣然於孔孟心傳果有授受而能表

章羽翼乎其他諸儒是否允協務期至當不易等因欽
此嗣經各衙門再議贄與琦俱未獲從祀臣等伏思漢
唐以來賢臣甚眾而贄與琦獨厯

聖念稱爲千古名臣是贄學術精粹久在

聖明洞鑒之中特以事關巨典是以復加咨訪臣等竊考

贄當日近參帷幄遭時多故機務填委日夕不遑
貶後又以避謗不復著述故其生平制詔章疏而
外別無明道詁經之書然觀其奏議諸篇請罷兵
則述論語修文德之語諫聚財則引大學戒惇入

之言闡周易否泰損益之象發詩書補闕改過之
旨以及履信思順舍己從人等語皆本於孔孟而
散小儲以成大儲一言本義引之以釋渙之九五
此外凡所敷納無非根據經術發爲昌言較之漢
唐諸儒依經訓義者尤爲遠契心傳直窺奧窔再
查現在從祀先儒如諸葛亮范仲淹司馬光等均
無講學之名亦無釋經之作祇以學行精純俱得
列於兩廡今贅文章道德實無愧於諸人綜厥生
平正以守己忠以事君綜天德王道之全無術數

權謀之襍行之當世有實效傳之後代無閒言使
與七十子並世當在德行政事之科擬諸三代下
賢臣實超蕭曹杜房而上應如該御史所奏准其
從祀

文廟東廡在隋臣王通之次庶明體達用之儒遇雖詘
於當時道大光於

聖世且俾海內士子知砥廉隅而懷忠蓋勉德業而勵
修能於學術人心不無裨益所有臣等擬議緣由
是否有當伏乞

皇上聖鑒謹

奏

奏請從祀原疏

崑山東道監察御史吳傑浙江會稽人甲戌進士前四川學政

奏為請

旨酌增從祀事竊惟

孔庭從祀典禮攸崇前代名臣原不必盡升兩廡若其

事功彪炳而又言醇學粹遠契心傳者祀典既闕

於列朝

盛舉宜行於

聖代以表前賢而勵後學伸公論而慰人心臣伏考唐

臣陸贄貞元再造功耀寰區唐書稱其論諫數十

百篇皆本仁義炳如丹青宋儒楊時謂贄當擾攘之際說其君未嘗用術數可爲論天下事法陸九淵又謂賈誼就事上說仁義陸贄就仁義上說事是以贄之奏議有稱爲仁義百篇唐孟子者是其純粹精微實能上宗鄒嶧而契洙泗之心源特贄年少得君出入帷幄值師旅倥傯之際未遑講學著書臣案從祀諸人如諸葛亮范仲淹歐陽修等原不必皆有講學之名而贄學術粹然本仁祖義舉而措之可致純王上理觀贄自謂上不負天子

下不負所學兩言固已印合道真踐履無媿矣贊
謫忠州別駕卒於任所祠墓俱存臣前督學四川
案試忠州閤邑士民熙熙然景慕前賢咸以未列
從祀爲憾伏見我

皇上廣運并包

特崇祀典如明臣黃道周劉宗周等均已

准列從祀

尊儒重道正學昌明極千載一時之

盛遇而贊在唐室權德輿已稱其道與伊說爭衡文與

典謨接軫厥後宋臣司馬光作資治通鑑採贄奏
疏至三十九篇之多蘇軾等又請校正贄奏議進
讀以爲三代以還一人而已是當時後世於贄備
極推崇而從祀闕如蓋千百年彰微闡幽之

鉅典實有待於

陛下應請

敕下禮臣詳悉核議是否有當伏乞

皇上

訓示施行謹


奏三月初九日奉
硃批禮部議奏欽此

陸宣公像

見三才圖會



蘭花



年譜輯略

按公諱贇字敬輿姓陸氏唐吳郡嘉興

今屬浙江

人曾祖諱

敦信高宗時拜左侍極檢校右相封嘉興子祖諱齊望

代宗時為祕書少監

明一統志人物並古迹

父諱侃以蔭補溧陽

令母韋太夫人

權序

玄宗天寶十三載甲午公

歲

誕生五月三十日辰時或云十一月初八日子

時

代宗大曆六年辛亥公十八歲

刺史張鑑與語奇之贈錢百萬曰願以此奉太夫人

一日之膳公辭不受領新茶一串而已是年登進士

博學宏辭科授鄭縣尉又以書判拔萃科調渭南尉

尋改監察御史權序以五術八計三科四賦六德五要

說黜陟使庾何等十人時皆趨其言詳載本傳

八年癸丑公二十歲

試禁中春松詩載全唐

十四年己未公二十六歲

德宗卽位以春宮時素聞公名詔對翰林卽日爲學

士數問公計策

德宗建中四年癸亥公三十歲

是年八月兩河未平時朱滔據幽州盧龍軍今北直

東青州府王武俊據鎮州成德軍今北直真定府田

悅據魏博天雄軍今北直大名府帝命河東今山西

太原府節度馬燧河陽今河南懷慶府節度李范昭

義軍即澤潞今山西潞安府節度李懷光

李晟朔方今河套節度李懷光

先後討之逾二年未有成功

城襄城縣名今屬河南許州府希烈據淮西彰義軍

襄城又詔行營節度哥舒曜神

策將劉德信將兵三千繼進

詔問公計將安出公

上兩河淮西利害狀指陳得失瞭如觀掌惜帝不能

用各狀年月俱係查對御製歷代年表

又上關中事宜狀

時禁兵俱出四征畿內寡弱民窮思亂故公連上奏不省隨有涇卒

之變乘輿播越

十月涇原兵變朱泚反公從幸奉天上遷幸之由狀

時公艱難扈從啟沃謀猷特見親信德宗間以事詢公惟呼行輩而不名厚愛之至也然公絕不自恃恩寵小心精謹未嘗有過書詔一日數十下皆公為之操紙立就無不曲中事情同職者莫能復有所助惟拱手嘆服而已

十一月上當今切務狀時李懷光戰敗朱泚

先是十月泚逼

奉天皇帝以逆賊雖退京城未收以切務問公公因上奏

又上答奏未行狀

請數對羣臣兼許令論事狀

仍申前二奏之議

十二月上赦書事條狀草興元大赦詔詔下兵民感

泣諸叛藩皆自去偽號

先是朱滔稱冀王王武俊稱趙王田悅稱魏王李納稱齊

王李希烈僭帝位國號大楚朱泚僭帝位國號大秦

大時平賊者賴有李晟渾瑊

馬燧等諸將而居中調度實惟公是賴德宗克復天位再續唐祚公之力也讀公諸奏狀則了然矣東坡

稱為智如子房術過賈傅不其信歟又上尊號加字

二狀 此狀依允

翰林改轉狀由祠部員外轉考功郎中

興元元年甲子公三十一歲

正月上蕭復宣慰狀

請罷二庫狀 此狀依允

薦袁高等狀

二月出使懷光營 因糧賜不均 上李晟兵馬狀

李建徽楊惠元狀 慮二帥為懷光所并帝猶豫竟不及救

三月李懷光叛公從幸梁州 梁州即山南 上進瓜果擬官

二狀 重名器也

山南道險公相失在後帝驚且泣號於軍中能得公

者賞千金及進謁太子諸王皆賀其一時見重如此

上撫巡李楚琳狀初楚琳使屢至狀上帝乃召見

四月帶本職拜諫議大夫上論解姜公輔二狀

優獎曲環狀

論解蕭復二狀

續從賊中赴行在官狀

五月上結贊回軍狀帝惟恐軍回公則深幸謂京城

不日可復果不出公所料雖有宰相主大議公常居中參決可否時人號為內

相

又上諸軍兵馬自取機便狀

六月李晟等收復京城上替換李楚琳狀

中官賜名狀

此狀依允

散失內人狀

狀上帝不復下詔然猶諭瑛資遣

還宮發日狀

釋趙貴先狀

七月從車駕還長安為中書舍人

本傳

貞元元年乙丑公三十二歲

公母韋太夫人在吳中

序又云省母歸壽春今鳳陽府壽州也似當在壽州然去

職後又云持喪於洛俱不解何故今姑依本傳舊文帝遣中使迎致京師道路

皆為之置驛鄉里文士咸榮焉八月馬燧等平河中

懷光自縊死河中平上請罷兵狀且論希烈不有人

禍則當鬼誅希烈果神魂失據明年四月為其下陳

仙奇所殺但此下六年內二年在憂服之中餘則俱無一言不解何故且與鄴侯同時彼此皆

不相聞問不相薦揚深可怪也

五年己巳公三十六歲

丁韋太夫人憂去職營葬於洛帝遣中使監其事又

遣中使護深陽之喪會葬河南四方賻遺數百萬公

年譜輯略
柏經正堂藏書

一無所取蜀帥韋臯因布衣友善每月致餽公奏而後受之

七年辛未公三十八歲

服闋覲見天子改容敍弔復入翰林權知兵部侍郎
內外旦夕俟其爲相被竇參等忌嫉解內職八月眞
拜兵部侍郎知禮部貢舉取韓愈等二十二人時號

龍虎榜

試明水賦御
溝新柳詩

八年壬申公三十九歲

是年春
竇參黜

四月拜中書侍郎平章事上長官薦舉狀

改轉倫敘狀

均節賦稅狀六條

七月上延齡度支狀

時權文公爲左補闕亦曾參奏延齡

八月上宣慰遭水狀

淮西宣慰狀

九月上京東水運狀

沿邊守備事宜狀

嶺南市舶狀

九年癸酉公四十歲

三月上竇參等三狀

時謂參死由公乃
小人好論議之過

五月上密旨宣事狀

齊映齊抗狀

十二月上汴州劉士寧狀

李萬榮節度狀

十年甲戌公四十一歲

上田緒碑文狀

京兆折納狀

度支市草狀

左降量移三狀

邊城貯備狀

十一月上延齡奸蠹狀

十二月罷爲太子賓客被延齡等羣小讒忌而帝亦好諛惡直故也

十一年乙亥公四十二歲

四月貶忠州別駕禍幾不測賴陽城張萬福等救免初公守正疾邪或規其太銳公曰吾上不負天子下不負所學遑恤其他旣放常閉戶不出郡人稀識其

面又避謗不著書但考較醫方著集驗方五十卷行
於世時李吉甫爲忠州刺史吉甫故公所貶也不修
怨於公且結好更以宰相禮事公吉甫固不可及抑
公之盛德有以致之後帝亦稍思公會薛延爲刺史
諭旨慰勞劍南節度韋臯屢表請以公代己帝銜之
不允

順宗永貞元年乙酉公五十二歲

順宗立特詔起公詔未至公卒贈兵部尙書諡曰宣

葬忠州屏風山

又名翠屏山

玉虛觀南今屬四川重慶府

祠祀在忠州治南又嘉興府北府學西南有司歲時
致祭子一諱簡禮
以上俱從蜀本新增

Vertical columns of text, likely bleed-through from the reverse side of the page. The text is extremely faint and illegible due to the quality of the scan and the nature of the paper.

順宗實錄

贈故忠州別駕陸贄兵部尙書故道州刺史陽城左常侍贄字敬輿吳郡人也年十八進士及第又以博學宏詞授鄭縣尉書判拔萃授渭南尉遷監察御史未幾選爲翰林學士遷祠部員外郎德宗幸奉天贄隨行在天
下搔擾遠近徵發書詔一日數十下皆出於贄贄操筆持紙成於須臾不復起草同職皆拱手嗟嘆不能有所助常啟德宗言方今書詔宜痛自引過罪己以感人心昔成湯以罪己致興後代推以爲聖人楚王失國亡走

一言善而復其國至今稱爲賢者陛下誠能不愆改過
以言謝天下臣雖愚陋爲詔詞無所忌諱庶能令天下
叛逆者迴心喻旨德宗從之故行在制詔始下聞者雖
武人悍卒無不揮涕感激議者咸以爲德宗尅平寇難
旋復天位不惟神武成功爪牙宣力蓋以文德廣被腹
心有助焉累遷考功郎中諫議大夫中書舍人兼翰林
學士丁母憂免喪權知兵部侍郎復入翰林中外屬意
且夕俟其爲相竇參深忌之贊亦短參之所爲且言其
黷貨於是與參不能平尋真拜兵部侍郎知禮部貢舉

於進士中得人爲多八年春遷中書侍郎平章事始令吏部每年集選人舊事吏部每年集人其後遂三年一置選選人猥至文書多不了尋勘真僞紛雜吏因得大爲姦巧選士一蹉跌或至十年不得官而官之闕者或累歲無人贄令吏部分內外官員爲三分計闕集人以爲常其弊十去七八天下稱之初竇參出李巽爲常州刺史且迫其行異常銜之至參貶爲郴州別駕巽適遷湖南觀察德宗常與參言故相姜公輔罪參漏其語參敗公輔因上疏自陳其事非臣之過德宗詰之知參洩

其語怒未有所發會巽奏汴州節度劉士寧遺參金帛若干士寧得汴州參處其議士寧常德之故致厚貺德宗以參得罪而以武將交結發怒竟致參於死而議者多言參死由贄焉裴延齡判度支天下皆嫉怨而獨幸於天子朝廷無敢言其短者贄獨身當之日陳其不可用延齡固欲去贄而代之又知贄之不與己多阻其奏請也謗毀百端翰林學士吳通元故與贄同職姦巧佻薄與贄不相能知贄與延齡相持有閒因盛言贄短宰相趙憬本贄所引同對嫉贄之權密以贄所戢彈延齡

事告延齡延齡益得以爲計由是天子益信延齡而不
直贄竟罷贄相以爲太子賓客而黜張滂李充等權言
事者皆言其屈贄固畏懼至爲賓客拒門不納交親士
友春旱德宗數獵苑中延齡疏言贄等失權怨望言於
眾曰天下旱百姓且流亡度支愛惜不肯給諸軍軍中
人無所食其事奈何以搖動羣心其意非止欲中傷臣
而已後數日又獵苑中會神策軍人跪馬前云度支不
給馬草德宗意延齡前言卽迴馬而歸由是貶贄爲忠
州別駕滂充皆斥逐德宗怒未解贄不可測賴陽城等

救乃止贄之爲相常以少年入翰林得幸於天子長養
成就之不敢自愛事之不可者皆爭之德宗在位久益
自攬持機柄親治細事失君人大體宰相益不得行其
事職而議者乃云由贄而然贄居忠州十餘年常閉門
不出人人無識面者避謗不著書習醫方集古今名方
爲陸氏集驗方五十卷卒於忠州年五十二上初卽位
與鄭餘慶陽城同徵詔始下而城贄皆卒

唐書傳贄

贄曰德宗之不亡顧不幸哉在危難時聽贄謀及已平

追仇盡言怫然以讒倖逐猶棄梗至延齡輩則寵任磐
桓不移如山昏佞之相濟也世言贄自罷翰林以爲與
吳通元兄弟爭寵竇參之死贄漏其言非也夫君子小
人不兩進邪諂得君則正士危何可訾耶觀贄論諫數
十百篇譏陳時病皆本仁義可爲後世法炳炳如丹帝
所用纔十一唐胙不競惜哉

朱子語錄

陸宣公奏議極好看這人極會議論事理委曲說盡更
無滲漏雖至小底事被它處置得亦無不盡如後面所

說二稅之弊極佳人言陸宣公口說不出只是寫得出
今觀奏議中多云今日早面奉聖旨云云臣退而思之
云云疑或然也

問陸宣公比諸葛武侯如何曰武侯氣象較大其細密
處不知比宣公如何

史以陸宣公比賈誼誼才高似宣公宣公諳練多學便
純粹

陸宣公奏議末數卷論稅事極盡纖悉是他都理會來
此便是經濟之學

以上三條新增

唐陸宣公翰苑集序

唐權德輿撰

嘗讀賈誼書觀其經制人文鋪陳帝業術亦至矣待之
宣室恨得後時遇亦深矣然竟不能達四聰而盡其善
排羣議而試厥謀道之難行亦已久矣東陽絳灌何代

無之嘻一薰一蕕善齊

去聲

不能同其器方鑿圓枘良工

無以措巧心所以理世少而亂日多大雅衰而正聲寢
漢道未融既失之於賈傅吾唐不幸復擯棄於陸公公
諱贄字敬輿吳郡蘇人溧陽令侃之子年十八登進士
第應博學宏辭科授鄭縣尉非其好也省母歸壽春刺

史張鎰有名於時一獲晤言大加賞識暨別鎰以泉貨數萬爲贖曰願以此奉太夫人一日之膳公悉辭之領新椽一串而已是歲以書判拔萃調渭南簿

本傳作尉御史

府以監察換之德宗皇帝春宮時知名召對翰林卽日爲學士出祠部員外轉考功郎中朱泚之亂從幸奉天時事駕播遷詔書旁午公灑翰卽成不復起草初若不經思慮及成而奏無不曲盡事情中於機會倉卒填委同職者無不拱手歎伏不能復有所助嘗從容奏曰此時詔書陛下宜痛自引過以感人心昔禹湯以罪己勃

興楚昭以善言復國陛下誠能不恡改過以言謝天下
俾臣草辭無諱庶幾羣盜革心上從之故行在詔書始
下雖武人悍卒無不揮涕激發議者以德宗克平寇亂
不惟神武之功爪牙宣力蓋亦資文德腹心之助焉及
還京師李抱真來朝奏曰陛下在山南時山東士卒聞
書詔之辭無不感泣思奮臣節臣知賊不足平也公自
行在帶本職拜諫議大夫中書舍人精敏小心未嘗有
過艱難扈從行在輒隨啟沃謀猷特所親信有時讌語
不以公卿指名但呼陸九而已初幸梁洋棧道危狹從

官前後相失上夜次山館召公不至泣然號於禁旅曰
得陸贄者賞千金頃之公至太子親王皆賀初公既職
內署母韋氏尙在吳中上遣中使迎至京師道路置驛
文士榮之丁韋夫人憂去職持喪於洛遣人護溧陽之
柩附葬河南上遣中使監護其事四方贖遺數百萬公
一無所取素與蜀帥韋南康布衣友善韋令每月置遺
公奏而受之服闋復內職權知兵部侍郎覲見之日天
子爲之興改容敍弔優禮如此內外屬望旦夕俟其輔
政爲竇參忌嫉故緩之真拜兵部侍郎知貢舉得人之

盛公議稱之貞元八年拜中書侍郎平章事公以少年
入侍內殿特蒙知遇不可與眾浮沉苟且自愛事有不
可必諍之上察物太精躬臨庶政失其大體動與公違
姦諛從而閒之屢至不悅親友或規之公曰吾上不負
天子下不負吾所學不恤其他公精於吏事斟酌剖決
不爽錙銖其經綸制度具在德宗實錄及竇參納劉士
寧之賂爲李巽所發得罪左遷橫議者以公與參素不
協歸罷相之議於公戶部侍郎判度支裴延齡以姦回
得幸害時蠹政物議莫敢指言公獨以身當之屢言不

可翰林學士吳通元忌公先達每竊中傷陰結延齡互
言公短宰相趙憬公之引拔升爲同列以公排邪守正
心復異之羣邪沮謀直道不勝十年退公爲賓客罷政
事明年夏旱芻糧不給軍校訴於上延齡奏曰此皆陸
贄輩怨望鼓扇軍人也貶公忠州別駕上怒不可測賴
陽城張萬福救之獲免蜀帥韋令抗表請以贄代己歲
賂資糧公在南賓閉門卻掃郡人稀識其面復避謗不
著書惟考校醫方撰集驗方五十卷行於世江峽十稔
永貞初與鄭餘慶陽城同徵還公已薨歿時年五十二

公之秉筆內署也推古揚今雄文藻思敷之爲文誥伸
之爲典謨俾獯狡向風懦夫增氣則有制誥集一十卷
覽公之作則知公之爲文也潤色之餘論思獻納軍國
利害巨細必陳則有奏草七卷覽公之奏則知公之爲
臣也其在相位也推賢與能舉直措枉將幹濬衡而揭
日月清氛沴而平泰階敷其道也與伊說爭衡考其文
也與典謨接軫則有中書奏議七卷覽公之奏議則知
公之事君也古人以士之遇也其要有四焉才位時命
也仲尼有才而無位其道不行賈生有時而無命終於

一慟惟公才不謂不長位不謂不達逢時而不盡其道
非命歟裴氏之子焉能使公不遇哉說者又以房魏姚
宋逢時遇主克致清平陸君亦獲幸時君而不能與房
魏爭列蓋道未至也應之曰道雖在我宏之在人蜚蝗
竟天農稷不能善稼奔車覆轍邱軻亦廢規行若使四
君與公異時而相則一否一臧未可知也而致君不及
貞觀開元者蓋時不幸也豈公不幸哉以爲其道未至
不亦誣乎公之文集有詩文賦集表狀爲別集十五卷
其關於時政昭昭然與金石不朽者惟制誥奏議乎雖

已流行多謬編次今以類相從冠於編首兼略書其官
氏景行以爲序引俾後之君子覽公制作效之爲文爲
臣事君之道不其偉歟

Blank page with vertical lines for text columns.

唐陸宣公翰苑集注自序

經史以載道傳注所以明道也易有十翼尙書有傳詩
有序禮記爲傳春秋有左氏公羊穀梁皆注也漢魏而
下以傳注名家者如孔安國毛萇鄭元何休王弼趙岐
杜預顏師古劉昭裴松之輩其最著者矣注所未盡遞
相詮釋則又有疏于是孔穎達邢昺孫奭之徒咸彬彬
與傳注並傳焉仲尼沒聖人之道衰諸子百家之說紛
然錯出文愈煩詞愈支而道亦愈離一二好古深思之
士掇拾遺編推測排闡聖賢之奧義微辭與夫大經大

法均理天下之至具瞭然表著如揭日月而行中天更
幾千萬世而不至幽晦而不彰注疏之功爲多唐陸宣
公文集權文公德輿所敘次制誥十卷奏草七卷中書
奏議七卷名翰苑集今傳本是已宋紹熙二年岷縣主
簿諱暉者進奏議注十五卷今獨其表存而注不傳亦
不載其姓當元祐淳熙之間大臣畱心治具引君當道
屢以奏議勸進講筵而其主亦用傾心嚮慕至以退朝
之後傾聽數千言不爲倦厭幾幾典謨訓誥比隆矣當
斯時德宗播遷山南再幸公閒關扈從隨事贊畫興元

詔下聞者無不感奮一切大禮大赦賑恤優復宣慰招
諭遣將命官倉卒填委咸盡事情中機會卒之變與反
正國祚以安觀于德宗之所以失與其失而復得者一
代之興亡可考也及既爲相迺益殫所學區大計決大
疑以體國之忠爲不刊之論洞察時變折衷古今雖當
時不能盡用迨其後皆可見諸施行而有裨于治道視
夫以空文自見者迥不侔矣佩自受書卽嗜公集十餘
年來不自分其不類爰據新舊唐書通典通鑑考其世
以詳其時事其故事古語閒引他書第釋事而不加義

韓文公集
卷首
傲李善注文選例也自漢唐諸儒專門著述沿至于今
詩賦詞章之學陰陽占候之書皆有註釋稱詳博矣然
其可傳于後而足與古人發明者蓋鮮然則余之爲是
其不能無費辭也與而又何敢自信哉山右張佩芳自
序

海內聞者無不頌會一以天賦大賦

凡例

一書之事典可考而作者之旨意不可強明李善註
文選止引經史不釋述作意義東坡嘗稱之而詆
五臣註爲荒陋茲集據事徵典不妄加義遵李善
注文選例也

一凡引古事古語必載書名其有語義難明者并其
註疏採入

一奏草奏議皆因事獻替有關治具爰考年月因據
新舊二史通鑑綱目詳註其下制誥昔人所謂駢

體也然興元赦文膾炙人口其他改元大禮命官
宣慰作於德宗播遷之日時勢固自不同茲亦援
据時事俾論世者得以考焉

一地理職官歷代沿革不同茲以唐書爲宗旁採通
典通考職官輿地括地諸書悉其源流唐以後不
復贅

一公集權德輿所敘次制誥十卷奏草七卷奏議七
卷宋元祐中蘇軾等校正進呈劄子止載奏議十
二卷陳后山又言權序今所存者翰苑集十卷勝

子集十二卷名目卷數互異茲照權序編次首制
誥次奏草次奏議錄序文卷首其諸儒議論亦并
附入以備參考

一經史子集各有音釋註疏家尤詳茲略採一二以
資觀覽

一公文散見於他書如通鑑綱目唐鑑文獻通考註
解略備而通鑑綱目二書尤詳如胡三省之音註
王幼學之集覽集中採用頗多其他則取議論與
本文相發明若止校論文詞概不敢收

一引用書籍必詳首尾其與本文不相關涉則稍加
刪節以從簡要

一集中有參以己見者則以謹按二字別之

一書有圈點鉤勒始自前明選刻時文陋習茲遵古
本體製不敢妄加

張佩芳謹識

目錄

卷第一

制誥一

奉天改元大赦制

平朱泚後車駕還京大赦制

卷第二

制誥二

貞元改元大赦制

冬至大禮大赦制

卷第三

制誥三

貞元九年冬至大禮大赦制

蝗蟲避正殿降免囚徒德音

誅李懷光後原宥河中將吏并招諭淮西詔

誅李希烈後原淮西將士并授陳仙奇節度詔

重原宥淮西將士詔

卷第四

制誥四

賑恤諸道將吏百姓等詔

優恤畿內百姓並除十縣令詔

重優復興元府及洋鳳州百姓等詔

議減鹽價詔

賜京畿及同華等州百姓種子賑給貧人詔

賜將士名奉天定難功臣詔

改梁州爲興元府升洋州爲望州詔

卷第五

制誥五

奉天遣使宣慰諸道詔

收復京師遣使宣慰將吏百姓詔

平淮西後宴賞諸軍將士放歸本道詔

加王武俊李抱真官封并招諭朱滔詔

招諭淮西將吏詔

招諭河中詔

安撫淮西歸順將士百姓勅

甄獎陷賊守節官詔

令百寮議大禮期日詔

不許諸軍侵擾勅

放淮西生口歸本貫勅

令諸道募靈武鎮守人詔

卷第六

制詔六

冊淑妃王氏爲皇后文

冊嘉誠公主文

冊蜀王妃文

冊杞王妃文

告謝昊天上帝冊文

告謝元宗廟文

告謝肅宗廟文

告謝代宗廟文

祭大禹廟文

策問賢良方正能直言極諫科

策問博通墳典達於教化科

策問識洞韜略堪任將帥科

答宰臣請停大禮表

答百寮請停大禮表

答第二表

答第三表

答百寮賀利州連理木表

答宰臣請復御膳表

答百寮請復御膳表

卷第七

制誥七

李晟司徒兼中書令制

蕭復劉從一姜公輔平章事制

張延賞中書侍郎平章事制

渾瑊侍中制

盧翰劉從一門下中書侍郎平章事制

劉滋崔遠齊映平章事制

李納檢校右僕射平章事制

韓滉檢校左僕射平章事制

李勉太子太師制

姜公輔左庶子制

盧翰太子賓客制

崔造右庶子制

卷第八

制誥八

賈耽東都畱守制

崔縱東都畱守制

普王荆襄江西道兵馬都元帥制

馬燧渾城副元帥招討河中制

李晟鳳翔隴西節度兼涇原副元帥制

劉洽檢校司空充諸道兵馬都統制

卷第九

制誥九

渾城京畿金商節度使制

杜亞淮南節度使制

虔王申光隨蔡等州節度使制

唐朝臣振武節度使論惟明鄜坊觀察使制

韓滉加檢校右僕射制

嘉王橫海軍節度使制

馬燧李臯實封制

韓滉度支鹽鐵轉運使制

李叔明右僕射制

李澄贈司空制

除鄧州歸順官制

李納檢校司空制

卷第十

制誥十

賜李納王武俊等鐵券文

賜安西管內黃姓燾官鐵券文

慰問四鎮北庭將吏勅書

與回紇可汗書

賜吐蕃將書

賜吐蕃宰相尙結贊書三

卷第十一

奏草一

論關中事宜狀

論兩河及淮西利害狀

卷第十二

奏草二

論敘遷幸之由狀

奉天論奏當今所切務狀

奉天論前所答奏未施行狀

卷第十三

奏草三

奉天論尊號加字狀

重論尊號狀

奉天論赦書事條狀

奉天論擬與翰林學士改轉狀

奉天請數對羣臣兼許令論事狀

卷第十四

奏草四

奉天請罷瓊林大盈二庫狀

奉天論解蕭復狀

奉天薦袁高等狀

奉天論李晟所管兵馬狀

奉天奏李建徽楊惠元兩節度兵馬狀

駕幸梁州論進獻瓜果人擬官狀

又論進瓜果人擬官狀

卷第十五

奏草五

興元論解姜公輔狀

又答論姜公輔狀

興元論請優獎曲環所領將士狀

興元論解蕭復狀

又答論蕭復狀

興元論續從賊中赴行在官等狀

卷第十六

奏草六

興元請撫循李楚琳狀

興元論中官及朝官賜名定難功臣狀

興元賀吐蕃尙結贊抽軍迴歸狀

興元奏請許渾瑊李晟等諸軍兵馬自取機便

狀

興元論賜渾瑊詔書爲取散失內人等議狀

卷第十七

奏草七

鑾駕將還宮闕論發日狀

請釋趙貴先罪狀

論替換李楚琳狀

收河中後請罷兵狀

卷第十八

中書奏議一

請許臺省長官舉薦屬吏狀

請遣使臣宣撫諸道遭水州縣狀

論淮西管內水損處請同諸道遣宣慰使狀

論嶺南請於安南置市舶中使狀

論宣令除裴延齡度支使狀

論齊映齊抗官狀

卷第十九

中書奏議二

請減京東水運收腳價於緣邊州鎮儲蓄軍糧

事宜狀

商量處置竇參事體狀

奏議竇參等官狀

請不簿錄竇參莊宅狀

請還田緒所寄撰碑文馬絹狀

卷第二十

中書奏議三

謝密旨因論所宣事狀

議汴州逐劉士宣事狀

請不與李萬榮汴州節度使狀

論依京兆所請折納事狀

論度支令京兆府折稅市草事狀

卷第二十一

中書奏議四

請邊城貯備米粟等狀

論緣邊守備事宜狀

卷第二十二

中書奏議五

論左降官准赦合量移事狀三首

論朝官闕員及刺史等改轉倫敘狀

卷第二十三

中書奏議六

均節賦稅恤百姓六條

其一論兩稅之弊須有釐革

其二請兩稅以布帛爲額不計錢數

其三論長吏以增戶加稅闢田爲課績

其四論稅期限迫促

翰苑集
卷首
其五請以稅茶錢置義倉以備水旱
其六論兼并之家私斂重於公稅

卷第二十四

中書奏議七

論裴延齡姦蠹書一首

唐陸宣公翰苑集目錄終

唐陸宣公翰苑集卷第一

汪肇龍稚川

程瑤田易田

山右張佩芳蓀圃注釋

新安

汪梧鳳在湘

參訂

方矩晞原

涇陽柏森子餘校刊

制誥

一赦宥
上

奉天改元大赦制

通鑑興元元年春正月癸酉朔
赦天下改元唐書百官志凡王

言之制有七二曰制書大賞
罰赦宥慮囚大除授則用之

門下唐書百官志分注龍朔二年改門下省曰東臺武后垂拱元年改門下省曰鸞臺開元元年曰黃門

省通典門下省後漢謂之侍中寺晉志曰給事黃門侍郎與侍中俱管門下眾事或謂之門下省楊慎丹鉛錄

晉詔首稱綱紀唐詔首稱門下致理興化必在推誠忘己濟人不吝改

過朕嗣守不構通鑑本註不大大也構立屋也書大誥曰若考作室既底法厥子乃弗肯堂矧肯

構不構之君臨萬方失守宗祧通鑑本註宗者百世越語本諸此

在草莽不念率德誠莫追於既往永言思咎期有復於

將來明徵厥初以示天下明徵厥初通鑑作明徵其義本註徵證也明徵其義言無

所掩惟我烈祖詩衍戎烈祖傳湯有邁德庇人書臯陶

覆也致俗化於和平拯生靈於塗炭書民墜重熙積慶兩都

書民墜重熙積慶兩都

於永平之際重熙而累洽陳垂二百年伊爾卿尹庶官

泊億兆之眾代受亭育老子亭之毒之注亭謂品其形毒謂成其質毒今作育以

迄於今功存于人澤垂於後肆予小子獲纘鴻業懼德

不嗣通鑑本註懼己德弗能嗣承先業罔敢怠荒然以長于深宮之中

通鑑本註用禮記魯哀公之言暗于經國之務積習易溺居安忘危不

知稼穡之艱難通鑑本註書無逸周公告成王之語不察征戍之勞苦澤

靡下究前漢鼂錯傳盛德不及究于天下注究竟也情不上通事既壅隔人

懷疑阻潘岳文腹心庭爭爪牙疑阻猶昧省己遂用興戎徵師四方

通鑑時內自關中西暨蜀漢南盡江淮閩越北至太原所在出兵轉餉千里賦車籍馬

遠近騷然行齋居送史記平準書行者齋居眾庶勞止

或一日屢交鋒刃或連年不解甲冑祀奠乏主室家靡

依生死流離怨氣凝結力役不息田萊多荒詩楚茨序田萊多荒

傳田萊多荒棘茨不除也通鑑注誤以毛為鄭又引陸氏釋文田廢生草曰萊按周禮大司徒都鄙制不易之

地家百晦一易之地家二百晦再易之地家三百晦鄭司農注不易之地歲種之地美故家百晦一易之地休

一歲乃復種地薄故二百晦再易之地休二歲乃復種故三百晦又遂人頽田里上地夫一廛田百晦萊五十

晦中地夫一廛田百晦萊百晦下地夫一廛田百晦萊二百晦康成注萊謂休不耕者六遂之民雖上地猶有

萊皆所以饒遠也是遂人之所謂萊即大司徒所謂一易再易之地矣楚茨序之田萊義正同彼其田廢生草

曰萊乃所謂田卒污萊者也陸氏以之暴命峻於誅求釋楚茨序多荒二字不為贅乎亦誤也

疲眊空於杼軸

通鑑本注詩小東大東杼軸其空杼轉持緯器布帛已織成者以機軸卷之

死溝壑離去鄉閭邑里邱墟人煙斷絕

綱目集覽邱墟空城也曹植詩

中原何蕭條千里無人煙

天譴於上而朕不悟

唐書天文志建中元年十一月月食歲星

在秦分占曰其國亡是月歲星食天尸天尸輿鬼中星占曰有妖言小人在位君王失樞死者大半建中二年

六月熒惑太白鬪于東井四年六月熒惑太白復鬪于東井京師分也金火罰星鬪者戰象也

人怨於

下而朕不知馴致亂階變與都邑

通鑑本注馴從也言從此而致亂也賊

臣乘釁肆逆滔天

通鑑上發涇原諸道兵救襄城冬十月丙午涇原節度使姚令言將兵五

千至京師軍士冒雨寒甚多攜子弟而來冀得厚賜遺其家既至一無所賜丁未發至澆水詔京兆尹王翊犒

師惟糲食菜餒眾怒蹴覆之因揚言曰吾輩將死于敵而食且不飽安能以微命拒白刃邪聞瓊林太盈二庫

金帛盈溢不如相與取之乃擐甲張旗鼓還趣京城
 令言入辭尚在禁中聞之馳至長樂阪遇之軍士射令
 言令言抱馬鬣突入亂兵呼曰諸君失計東征立功何
 患不富貴乃為族滅之計乎軍士不聽以兵擁令言而
 西上遽命賜帛人二匹眾益怒射中使又命中使宣慰
 賊已至通化門外中使出門賊殺之又命出金帛二十
 車賜之賊已入城喧聲浩浩不復可遏上召禁兵以禦
 賊竟無一人至者賊已斬關而入上乃與王貴妃韋淑
 妃太子諸王唐安公主自苑北門出後宮諸王公主不
 及從者什七八姚令言與亂兵謀曰今眾無主不能持
 久朱太尉閒居私第請相與奉之眾許諾乃遣數百騎
 迎泚于晉昌里第夜半泚按轡列炬傳呼入宮居含元
 殿設警嚴自稱權知六軍戊申旦泚徙居白華殿百官
 出見泚或勸迎乘輿泚不悅壬子朱泚自白華殿入宣
 政殿自稱大秦會莫愧畏敢行陵逼唐書朱泚傳泚自
 皇帝改元應天曾莫愧畏敢行陵逼將逼奉天以邪言
 為上將光晟副之忠臣畱守于是泚率韓游瓌禦泚泚
 大敗死者萬計退三里而舍修改具毀廬室為樓車百

尺下覬城中會杜希全以兵敗漠谷賊益張又劉德信
高秉哲自汝州取沙苑馬五百壁昭應戰思子陵西三
敗賊次東渭橋出遊奕軍以逼都城忠臣兵數屢請救
泚乃急攻城驅民填壑造雲梁令壯士居上將傳堞守
者震駭渾城乃使侯仲莊韓澄穴地道梁陷縱火焚之
城上揮膏流數百步眾亂而囂城中兵出皇太子督戰
賊大敗然賊負其眾遂長圍以百弩射城中不及幄
坐者三步城益急帝召羣臣曰朕負宗廟宜固守公等
家在賊可先降以完親族眾泣下曰臣等死
無貳帝亦太息噓欷城圍凡三旬有六日 萬品失序

九廟震驚

通鑑本注歐陽修曰書云七世之廟可以觀德而禮家之說世數不同然自禮記王制祭

法禮器大儒荀卿劉歆班固王肅之徒以為七廟者多
蓋自漢魏以來創業之君特起其上世又微無功德以
備祖宗故其初皆不能立七廟唐武德元年始立四廟
高祖崩朱子奢請立七廟虛太祖之室以待尚書八座
議禮曰天子三昭三穆與太祖之廟而七晉宋齊梁皆
立親廟六此故事也于是宣簡公懿王景元二帝四廟

更耐宏農府君及高祖為六室太宗崩宏農以世遠毀
 而耐太宗高宗崩又遷宣簡而耐高宗皆為六室中宗
 神龍初以景帝為始祖而元帝不遷而耐孝敬帝由是
 為七室中宗崩孝敬別立廟而耐中宗遂為七室至睿
 宗崩中宗立別廟而耐睿宗開元十年詔宣皇帝復耐
 正室諡為獻祖并諡光帝為懿祖又以中宗還耐太廟
 于是太廟為九室寶應二年祧獻懿而耐元宗肅上辱
 宗代宗崩又遷元皇帝而耐代宗自是常為九室

于祖宗下負于黎庶痛心覲貌通鑑本注覲慙惡也罪實在子求
 言愧悼若墜深谷一本作泉谷泉谷即淵谷唐人避諱改之賴天地降祐宋書

禮志皇天降祐思奉揚休德 神人叶謀將相竭誠爪牙宣力詩祈父

爪牙屏逐大盜載張皇維宋書關我皇將宏永圖書惟懷

必布新令朕晨興夕惕惟念前非乃者公卿百寮累抗

章疏猥以徽號加于朕躬固辭不獲俯遂輿議昨因內

省良用矍然

兩都賦西都賓矍然失容

體陰陽不測之謂神與天地

合德之謂聖顧惟淺昧非所宜當文者所以成化武者

所以定亂今化之不被亂是用興豈可更徇羣情苟膺

虛美重余不德祇益懷慙自今以後中外所上書奏不

得更稱聖神文武之號

唐書德宗紀建中元年正月丁卯改元羣臣上尊號曰聖神文

武皇

夫人情不常繫於時化天道既隱亂獄滋豐

左傳亂獄

滋豐賄賂並行

朕既不能宏德導人又不能一法齊眾苟設密

網

史記高祖功臣年表序罔亦少密焉謹按罔網古今字

以羅非辜為之父母實

增愧悼今上元統歷

唐書歷志治歷之本必推上元日月如合璧五星如連珠夜半甲子

朔旦冬至自此七曜散行不復餘分普盡總會如初又德宗詔司天徐承嗣與夏官正楊景風等雜麟德大衍

之旨治新歷上元七曜起赤道虛四度建中四年歷成名曰正元詔起五年正月行新歷會朱泚之亂改元興

元自是頒用北史袁翻獻歲發生楚辭招魂獻歲發春

傳乘乾統歷得一御宸宜革紀年之號式敷在宥之澤莊子在宥

言歲始來進春氣奮揚也天下不聞治天下也在之者恐天下之與入更始前漢

淫其性也宥之者恐天下之遷其德也悅曰漢承兵革之後比屋可封故申以答天休可大赦

天下改建中五年為興元元年自正月一日昧爽以前

書時甲子昧爽大辟罪已下罪無輕重咸赦除之唐書

刑法

志用刑有五曰磔絞斬梟裂而流徒之刑鞭笞兼用數皆踰百
有五曰磔絞斬梟裂而流徒之刑鞭笞兼用數皆踰百
至隋始定為笞刑五自十至於五十杖刑五自六十至
于百徒刑五自一年至于三年流刑三自一千里至于
二千里死刑二絞斬唐皆因之文獻通考唐制赦日宣
制放其赦書頒諸州用絹寫行下律曰曾赦及降者盜
者准枉法猶徵正贓餘贓非見在及收贖之物限內未
送者並從赦降原諸赦前當罪不斷者若處輕為重宜
改從輕處重為輕唐書李希
輕即依輕法

李希烈田悅王武俊李納等

唐書李希烈傳李希

烈燕州遼西人德宗立拜節度使名其軍曰淮寧藩鎮

列傳田悅承嗣從子自中軍兵馬使府左司馬擢雷後

俄為節度使王武俊本出契丹怒皆部授檢校秘書監

兼御史大夫恆冀觀察使李納正己子正己署為淄青

二州刺史又為行軍司有以忠勞任膺將相有以勳舊

馬濮徐克沂海雷後

繼守藩維朕撫馭乖方信誠靡著致令疑懼不自保安

翰苑集 卷一 制誥 六 柏經正堂藏書

兵興累年海內騷擾皆由上失其道下罹其灾朕實不

君人則何罪通鑑本注此等言語強藩屈己宏物後漢鄭興

傳疏曰願陛下上師唐虞下予何愛焉庶懷引慝之誠

覽齊晉以成屈己從眾之德書負罪書好生之德引慝洽于民心以洽好生之德其李希烈田悅王

武俊李納及所管將士官吏等一切並與洗滌各復爵

位待之如初仍卽遣使分道宣諭通鑑考異燕南記曰

已云赦武俊等罪而實錄明年正月改元乃赦武俊等蓋上先已諭旨赦罪及赦書出始明言之耳朱滔

雖與賊泚連坐史記商君傳鞅令民為什伍而相收司

朱滔朱泚弟刑法志反逆者祖孫與兄弟緣坐皆配沒惡言犯法者兄弟配流路遠未必同謀

朕方推以至誠務欲宏貸

通鑑本注 宏大也

如能效順亦與惟

新其河南北諸軍兵馬並宜各于本道

通典貞觀初并省州縣始于山

道四曰河北道五曰山南道六曰隴右道七曰淮南道

八曰江南道九曰劍南道十曰嶺南道開元二十一年

都畿治東都關內多以京官遙領河南治陳畱郡河東

治河東郡河北治魏郡隴右治西平郡山南東治襄陽

郡山南西治漢中郡劍南理蜀郡淮南理廣陵郡江南

東理吳郡江南西治豫章郡黔中治黔中郡嶺南治南

海郡自固封疆勿相侵軼

古今注封疆封土為臺以表識疆境也左傳懼其侵軼我也注

軼突朱泚大為不道棄義蔑恩反易天常

通鑑本注君臣上下天秩

也

有典之盜竊名器暴犯陵寢

綱目集覽古者宗廟前制廟後制寢至秦始皇出寢起

常也

於墓側故陵上稱寢殿有衣冠几杖象生之具以薦新物唐書朱泚傳帝使高重傑屯梁山禦賊賊將李日月殺之泚既勝則令都人曰奉天殘黨不終日所不忍言當平日月銳甚自謂無前乃燒陵廟鹵御物

獲罪祖宗朕不敢赦通鑑本注此等言語可與詰誓相表裏其應被朱泚

脅從將士官吏百姓及諸色人等書嚴厥渠魁脅從罔治有遭其

扇誘南史王藻傳諸主聚集更相扇誘有迫以凶威苟能自新理可矜

宥但官軍未到京城以不能去逆效順及散歸本道者

並從赦例原免一切不問通鑑本注所以攜從逆之黨天下左降官

即與量移近處已量移者更與量移舊唐書明皇紀二十七年大赦天下

左降官量移近處綱目集覽移徙也謂得罪遠斥者遇赦則量徙近地流人配隸及藩鎮

效

一作力

唐書刑法志用刑有五曰流書云流宥五刑謂不忍刑殺宥之于遠也又元宗詔徒非

重刑而役者寒暑不釋械繫杖古以代肉刑也或并緣

罪犯與諸使驅使官兼別勅諸州縣安置及得罪人家

口未得歸者一切放還應先有痕累禁錮

前漢武帝紀諸禁錮及有

過者得免減罪綱目集覽禁

錮禁止錮塞其仕進之路

及反逆緣坐

汝疏夏啟承

舜禹之後刑罰尚寬殷

承前恩赦所不該者

通典隋初

條一曰謀反二曰謀大逆三曰謀叛四曰惡逆五曰不

道六曰大不敬七曰不孝八曰不睦九曰不義十曰內

亂十惡及故殺人獄並宐洗雪亡官失爵放歸勿齒者

量加收敘人之行業或未必兼構大厦者方集於羣材

淮南子大夏增加擬于崑崙注高誘曰大夏大屋也庾信連珠羣材既聚故能成鄧林建奇功者

不限于常檢苟在適用則無棄人況黜免之人沉鬱既

久朝過夕改仁何遠哉流移降黜亡官失爵配隸人等

有材能著聞者特加錄用勿拘常例諸軍使諸道赴奉

天及進收京城將士等或百戰摧敵或萬里勤王左傳

言于晉侯曰求諸侯莫如勤王注勤納王也扞固全城驅除大慙史記秦楚之際月表

鄉秦之禁適足以資賢者濟危難者其節著復社稷者

為驅除難耳書元惡大憝其業崇我圖爾功特加彝典北史蘇綽傳勿譽勿錫名

疇賦前漢宣帝紀疇其爵邑注律非始永永無窮宜並

封十減二疇者等也言不復減也

賜名奉天定難功臣通鑑本注所以身有過犯遞減罪

三等子孫有過犯遞減罪二等當戶應有差科使役一

切蠲免其功臣已後雖衰老疾患不任軍旅當分糧賜

並宜全給身死之後十年內仍回給家口其有食實封

者唐書百官志凡封戶三丁以上為率歲租三子孫相

繼代代無絕其餘敘錄及功賞條件待收京日並准去

年十月十七日十一月十四日勅處分謹按去年謂諸

道諸軍將士等久勤扞禦累著功勳方鎮克寧唐書兵

法壞而方鎮盛矣夫所謂方鎮者節度志府兵惟爾之力其應

使之兵也其始起于邊將之屯防者制誥

在行營者通鑑唐自祿山反邊兵之精並超三資與官

唐書百官志凡酬功之等見任前資常選曰上資文武

散官衛官勳官五品以上曰次資五品以上子孫上柱

國柱國子勳官六品以下曰下資白丁衛士曰無仍賜

資跳盪人上資加二階次資下資無資以次降

勳五轉唐書百官志司勳掌官吏勳級凡十有二轉為

十轉為上護軍視正三品九轉為護軍視從三品八轉

為上輕車都尉視正四品七轉為輕車都尉視從四品

六轉為上騎都尉視正五品五轉為騎都尉視從五品

四轉為驍騎尉視正六品三轉為飛騎尉視從六品二

轉為雲騎尉視正七品一轉為武騎尉不離鎮者依資

視從七品凡以功授者覆實然後奏擬

與官賜勳三轉其累加勳爵仍許回授周親唐書百官志勳至上

柱國有餘則授周內外文武官三品以上賜爵一級

以上親無者賜物

唐書

百官志凡爵九等一曰王食邑萬戶正一品二曰嗣王

郡王食邑五千戶從一品三曰國公食邑三千戶從一

品四曰開國郡公食邑二千戶正二品五曰開國縣公

食邑千五百戶從二品六曰開國縣侯食邑千戶從三

品七曰開國縣伯食邑七百戶正四品上八曰開國縣

子食邑五百戶正五品上九曰開國縣男食邑三百戶

從五品上四品以上各加一階唐書百官志凡文散階二十

正二品曰特進從二品曰青光祿大夫正四品上曰正議大

祿大夫從三品曰銀青光祿大夫正四品上曰大中大夫從四

品下曰中大夫正五品上曰中散大夫正五品下曰朝

議大夫從五品上曰朝議大夫從五品下曰朝散大夫

正六品上曰朝議郎正六品下曰承議郎從六品上曰

奉議郎從六品下曰通直郎正七品上曰朝請郎正七

品下曰宣德郎從七品上曰朝散郎從七品下曰宣義

郎正八品上曰給事郎正八品下曰徵事郎從八品上

曰承奉郎從八品下曰承務郎正九品上曰儒林郎正

翁也集 卷第一 制詰 柏經正堂藏書

賜勳兩轉見危致命先哲攸貴掩骼埋胔禮典所先

禮記

孟春之月掩骼埋胔

注

雖效用而或殊在惻隱而何閒

諸道將士有死王事者各委所在州縣給遞送歸本管

官為葬祭其有因戰陣殺戮及擒獲伏辜暴骨原野者

亦委所在逐近便收葬應緣流貶及犯罪未葬者並許

其家各據本官品以禮收葬自頃軍旅所給賦役繁興

吏因為姦人不堪命咨嗟怨苦道路無聊汔可小康

詩民

亦勞止汔

與之休息其墊陌及稅閒架

通鑑建中四年六月庚戌初行

稅閒架除陌錢法舊制諸道軍出境皆仰給度支上優恤士卒每出境加給酒肉本道糧仍給其家一人兼三

人之給故將士利之各出軍纜逾境而止月費錢百三十餘萬緡常賦不能供判度支趙贊乃奏行二法所謂稅閒架者每屋兩架為閒上屋稅錢二千中稅千下稅五百吏執筆握筭人人室廬計其數或有宅屋多而無他資者出錢動數百緡敢匿一閒杖六十賞告者錢五十緡所謂除陌錢者公私給與及賣買每緡官雷五十錢給他物及相貿易者約錢為率敢隱錢百杖六十罰錢二千賞告者錢十緡其賞錢皆出坐事之家于是愁怨之聲盈竹木茶漆摧鐵等文獻通考唐德宗建中元年納戶部侍郎趙贊議稅于遠近天下茶漆竹木十取一以為常平本錢時軍用廣常賦不足所稅亦隨盡亦莫能充本儲及出奉天乃悼悔下詔亟罷之唐書食貨志凡銀銅鐵錫之冶一百六十八陝宣潤饒衢信五州銀冶五十八銅冶九十六鐵山五錫山二鉛山四汾州礬山七麟德二年廢陝州銅冶四十八開元十五年初稅伊陽五重山銀錫德宗時戶部侍郎韓洄建議山澤之利宜歸王者自是皆隸鹽鐵使

諸色名目悉宜停罷

通鑑本注

所以順人情之欲惡

京畿之內

通鑑本注京畿西京畿也唐以雍同華商岐邠為京畿洛汝為都畿

屬此寇戎攻劫焚燒靡有寧室王師仰給人以重勞特

宐減放今年夏稅之半

唐書食貨志自代宗時始以畝定稅而斂以夏秋至德宗相楊

炎遂作兩稅法夏輸無過六月秋輸無過十一月置兩稅使以總之

朕以凶醜犯闕遽用

于征爰度近郊息駕茲邑軍儲克辦師旅攸寧式當褒

旌以志吾過其奉天宐升為赤縣

通典唐縣有赤畿望緊上中下六等之差

京都所治為赤縣京之旁邑為畿縣其餘則以戶口多少資地美惡為差

百姓並給復五年

尚德者教化之所先求賢者邦家之大本末言茲道夢

想勞懷而澆薄之風趨競不息幽棲之士寂寞無聞蓋

誠所未孚故求之未至天下有隱居行義才德高遠晦

跡邱園不求聞達者

謹按唐制科名目有高蹈邱園科

委所在長吏具

姓名聞奏當備禮邀致諸色人中有賢良方正能直言

極諫及博通墳典達于教化并洞識韜鈴堪任將帥者

唐書選舉志天子自詔者曰制舉四方德行才能文學之士或高蹈幽隱與其不能自達者下至軍謀將略翹

關拔山絕藝奇技莫不兼取其為名目隨其人主臨時

所欲而列為定科者如賢良方正直言極諫博通墳典

達于教化軍謀宏遠堪任將率詳委常參官

明政術可以理人之類其名最著

朝日常赴朝參者也唐制文官五品以上及兩省供奉

官監察御史員外郎太常博士日參號常參官武官三

品以上三日一朝號九參官五品以上及新行常番者

五日一朝號六參官宏文崇文館國子監學生四時參

凡諸王入朝及以恩追至者日參其文武官
職事九品以上及二王後則朝朔望而已
及所在長

吏聞薦天下孤老鰥寡惇獨不能自活者並委州縣長

吏量事優恤其有年九十已上者刺史
唐書百官志上州刺史一人從

三品職同牧尹中州刺史一人正
四品下州刺史一人正四品下縣令
唐書百官志京縣令各一人正

五品上畿縣令各一人正六品上
上中縣令一人正七品上中下縣令一人從七品上下

縣令一人從七品下縣令掌導風化察冤滯聽獄
就門

存問義夫節婦孝子順孫旌表門閭終身勿事
前漢高帝紀七

大夫以下皆復其身及戶勿事
復其身及一戶之內皆不徭役也
大兵之後內外耗竭

貶食省用宜自朕躬當節乘輿之服御絕宮室之華飾

柏經正堂藏書

率己師儉為天下先諸道貢獻

通鑑代宗之世每元日冬至端午生日州府于

常賦之外競為貢獻貢獻多者則悅之武將姦吏緣此侵漁下民

自非供宗廟軍國之

用一切並停應內外官有冗員及百司有不急之費委

中書門下

通典梁陳時凡國之政事並由中書省省有

掌二十一局事各當尚書諸曹並為上司總國內機要

而尚書唯聽受而已隋初改為內史省唐武德三年復

中書省唐書百官志初三省長官議事于門下省之政

事堂其後裴炎自侍中遷中書令乃徙政事堂于中書

省開元中張說為相又改政事堂號中書門下列五房

于其後一曰吏房二曰樞機房三曰兵房四曰戶房五

曰刑禮房以即商量條件停減聞奏布澤行賞仰惟舊

主眾務焉

章今以餘孽未平帑藏空竭

說文帑金幣所藏也後漢鄭宏傳人食不足而帑藏

殷積有乖慶賜深愧於懷赦書有所未該考委所司類例

條件聞奏敢以赦前事相言告者以其罪罪之通典諸

事相告言者以其罪罪之官司受而為理者以故入亡人罪論至死者各加役流若事須追究者不用此律

命山澤通典亡命山澤不從挾藏軍器通典諸私有禁

半弩一張加二等甲一領及弩三張流二千里甲三領及弩五張絞私造者各加一等造未成者減二等即私

有甲弩非全成者杖一百日不首復罪如初通典諸犯

百餘非全成者勿論通典諸犯未發而

自首者赦書日行五百里布告遐邇咸使聞知通鑑赦

原其罪人心大悅
平朱泚後車駕還京大赦制唐書德宗紀興元元年六月甲辰朱泚伏

制誥
柏經正堂藏書

誅七月丙子次鳳翔壬午至自興元辛卯大赦

門下致理之體先德後刑禮義興行故人知恥格教令

明當則俗致和平然後姦慝不萌暴亂不作古先哲后

莫不由斯國家受命百七十載

謹按文獻通考唐高祖在位九年太宗在位二十三年高宗在位三十四年中宗在位五年睿宗在位二年元宗在位四十四年肅宗在位七年代宗在位十八年內武氏二十二年自高祖武德元年至德宗興元改元凡一百六十八年

八聖儲慶敷佑

下人邁種寬大之德累蠲苛酷之令蓋仁之所積者厚

故澤之所流者深茲予小子獲主重器

史記伯夷傳示天下重器索隱

曰天下者王者之重器

說文情不明也

莊子天下之大器是也 懵于理亂之本 溺于因

習之安投任不明賞罰乖當立法以齊眾而犯命愈甚

興戎以除害而長亂益繁賊臣蓄姦乘釁竊發九廟乏

祀兆人靡依狹獠肆其吞噬爾雅狹獠類猛虎爪食人迅走淮南子堯之時狹獠

為民害孫綽喻道論豺狼穴于宮闕歲末云半載罹播

遷唐書德宗紀建中四年十月涇原節度使姚令言反犯京師戊申如奉天興元元年二月甲子李懷光反

丁卯如梁州仰慚穹昊俯愧臣庶敢愛賈越苟全眇躬誠懼

益縱寇讐重辱宗社忍恥誓志庶補前羞賴億兆宅心

不忘先德諸帥戮力恭行天罰俾余寡昧再膺多祐總

乾綱于既紊范甯春秋穀梁傳序昔復天柱于將傾水

周道衰陵乾綱絕紐柏徑正堂藏書

注張華敘東方朔神異經曰崑崙言旋鎬京鎬京地名

有銅柱焉其高入天謂之天柱也

所都在長安西上林苑中通典周自武王剋殷都于鄴

鎬豐邑在豐水鎬京在豐水之東並在今長安縣界

不改舊物左傳祀夏配天不失舊物宗祧有序朝享有期責重慶多

深增感惕嗚呼君者所以撫人也君苟失位人將安仰

朕既不德致寇興禍使生靈無告受制凶威苟全性命

急何能擇或虧廢名節或貪冒貨利陷于法網事匪一

端究其所由自我而致不能撫人以道乃欲繩之以刑

豈所謂恤人罪己之誠舍垢布和之義易林宣時布和無所不通顏延

之曲水詩序皇祇發生滌清汚俗咸與更新可大赦天

之始后王布和之辰

下自興元元年七月二十三日昧爽已前大辟罪已下

已發覺未發覺已結正未結正見繫囚徒

通鑑音注繫囚逮捕在獄

者徒坐徒罪居作者常赦所不原者咸赦除之

文獻通考常赦所不免謂雖會大赦

猶處死今年五月二十八日已前

謹按德宗以七月壬午還京辛卯大赦前

云七月二十三日昧爽已前以放赦書之日唐書德宗紀

興元元年五月壬辰尚可孤及朱泚戰于藍田之西敗

師是五月已復京師而左降官即與量移未復資者更

與移近處流人及犯配隸藩鎮效力

綱目集覽唐自安祿山史思之亂

肅宗幸長安分河北地付授報將後遂效

並即放還亡

戰國炫髀相依以土地傳子孫謂之藩鎮

官失爵放歸不齒者量加收敘未復資者更與進改其

黜免人等有素著行能傍連譴累特加錄用勿以為負

不有忠者誰復社稷不有勞者誰從巡狩連帥之重所

以殿邦禦侮也禮記千里之外設方伯五國以為屬屬有長十國以為連連有帥注屬連猶聚

也伯帥亦長也詩殿天子之邦毛傳殿鎮也詩予曰有禦侮毛傳武臣折衝曰禦侮二千石之任

所以分憂其理也前漢百官公卿表郡守秦官掌治其郡秩二千石景帝中二年更名太守

師古注二千石者月百二十斛循吏傳宣帝常稱曰庶民所以安其田里而亡太息愁悵之心者政平訟理也

與我共此者其唯良二千石乎注謂郡守諸侯相方鎮謹按唐太守或稱刺史即漢郡守也故曰二千石

將校後漢順帝紀詔大將軍三公選武猛試用有效驗任為將校者各一人綱目集覽校本營壘之稱故

謂軍之一師為一校勤奉成役中外寮吏恪居官次左傳敬共朝夕恪居官次

注次舍也國有大慶所宜同之內外文武及致仕官百虎通致仕者

致其事于君君不使自去者尊賢者也故三品以上賜

爵一級四品以上加一階仍並賜勳兩轉司徒兼中書

令晟唐書百官志太師太傅太保各一人太尉司徒司

空各一人是為三公皆正一品又中書省中書令

二人正二品掌佐天子執大政而總判省事李晟傳李

晟字良器洮州臨潭人初為右神策都將朱泚平拜司

徒兼中書令實封千戶英特傑立光輔中興春秋序紹開中再定

皇都一匡天下唐書李晟傳帝進狩梁州遣晟將張少

平章令晟受命拜且泣曰京師天下本若執羈勒誰

州之眾守潼關尚可孤以神策兵保七盤皆受晟節度
戴休顏舉奉天韓游瓌悉邠寧軍從晟乃引兵叩都門
賊不敢出振旅而還明日會諸將圖所向眾對先拔外
城然後清宮晟曰外城有里開之隘若設伏格戰居人
器潰非計也賊重兵精甲聚苑中今直擊之是披其心
腹將圖走不暇諸將曰善乃自東渭橋移壁光泰門以
薄都城連溝柵而賊將張庭芝李希倩求戰晟曰賊
不出是吾憂也今乃冒死來天誘之矣縱兵鏖擊賊攻
華師急晟以精騎馳救中軍謀而從大破之乘勝入光
泰門再戰賊卻僵尸相藉餘眾走白華賊大哭終夜不
息翌日將復戰或請待西師晟曰賊既敗當乘機撲殄
苟俟西軍是容其為計豈吾利邪乃悉軍光泰門使
王佖李演將騎史萬頃將步抵苑北晟先夜隕苑垣為
道二百步比兵至賊已伐木塞以拒戰晟叱諸將曰安
得縱賊今先斬公矣萬頃懼先登拔柵以入佖督騎繼
之賊崩潰執其將段誠諫大兵分道進雷謀震地令言
庭芝希倩等殊死鬪晟令唐良臣等步騎奔突賊陣成
輒北十餘遇皆不勝賊入白華賊伏千騎出官軍背晟

以麾下百騎自馳之左右呼曰相公來賊驚潰禽馘略
盡泚率殘卒萬人西走田子奇追之餘黨悉降晟引軍
屯含元外庭舍右金吾次令軍中曰五日內不得輒通
家問違者斬遣京兆尹李齊運部長安萬年令分慰居
人秋毫無所擾明日孟涉屯白華尚可孤屯望仙門駱
元光屯章敬寺晟屯安國寺斬賊用事者及臣賊宦豎
于市表著節不屈者擇文武攝臺省官以俟乘輿條脅
汗于賊者請以不死露布至梁帝感泣羣臣上壽帝曰
天生晟為社稷推恩之典貽慶無窮豈與一子五品正
萬人豈獨朕哉

員京官唐書百官志凡文官九品有正有從自正四品
以下有上下為三十等通鑑本注京官即在京

職事侍中唐書百官志門下省侍中二人正二品掌
出納帝命相禮儀凡國家之務與中書令

官也參總而顛判省事通典侍中者周公戒成王立政之篇
所云常伯常任以為左右即其任也秦為侍中丞相

史也使五人往來殿內東廂奏事故謂之侍中唐書渾
城傳渾城本鐵勒九姓之渾部也帝狩奉天城率家人

翰苑集 卷第 一 制誥 天 柏經正堂藏書

子弟以從泚平論功以沉遂忠厚服勞王家保全危城

城兼侍中實封戶八百

翦除大憝唐書渾瑊傳朱泚兵薄城戰譙門晨至日中

解泚治攻具矢石四集如雨晝夜不息凡浹日鑿塹圍

城城中死者可藉人心危惴或夜縋出撥蔬木供御帝

與瑊相泣泚方據乾陵下瞰城翠翟紅袍左右宦人趨

走宴賜拜舞又縱慢辭賊斥天子以為勝在景刻使騎

環馳責大臣不識天命造雲梁廣數十丈施大輪濡氈

及革冒之周布水囊為障指城東北構木廬蒙革周置

之運薪土其下將塞墮帝召瑊授以詔書千餘自御史

大夫實封五百戶而下募突將死士當賊賜瑊筆使量

功署詔不足則署衣以授因曰朕與諸公訣矣城俯伏

嗚咽帝撫而遣之城前與防城使侯仲莊掄雲梁所道

掘大隧積馬矢及薪然之賊乘風推梁以進載數千人

王師乘城者皆凍餒甲弊兵監城但以忠義感率使當

賊人憂不支羣臣號天以禱城中矢自擥去被血而戰

愈厲雲梁及隧而陷風返悉焚賊皆死舉城歡譟是日

詔授城
二子官嘉乃茂績次于寵章
魏志武帝紀
崇其寵章
宐與一子六

品正員京官鎮國軍
唐書地理志
華州有鎮
潼關節度

使
通典
華陰太華山在南有潼關左傳所謂桃林塞也
本名衝關河自龍門南流衝激華山東故以為名唐

書兵志唐初兵之戍邊者大曰軍小曰守捉曰城曰鎮

而總之者曰道道有大將一人曰大總管已而更曰大

都督至太宗時行軍征討曰大總管在其本道曰大都

督自高宗永徽以後都督帶使持節者始謂之節度使

然猶未以名官景雲二年以賀拔延嗣為涼州都督河

西節度使自此而後接乎開元朔方隴右河東河西諸

鎮皆置節度使方鎮表上元二年以華州置鎮國節度

亦曰關東節度廣德元年罷興元元年以華州置潼關

節度檢校右僕射
綱目
集覽唐有檢校兼守判知之類
皆非本制出于特旨所置與正員資

格同皆以待資淺之人唐書百官志尚書省左右僕射
各一人從二品掌統理六官為令之貳令闕則總省事
柏經上堂藏書

劾御史糾不當者通典僕射秦官漢因之古者重武官

有主射以督課故曰僕射僕射者僕役于射也成帝建

始元年初置尚書五人以一人為僕射後漢獻帝建安

四年以榮劭為左僕射衛臻為右僕射侍者分置左右

蓋自此始唐左右二僕射因前代本副尚

書令自尚書令廢闕二僕射則為宰相

諒傳李元諒安息人本安氏少為宦官駱奉先養息冒

姓駱名元光德宗出奉天遷鎮國軍節度使封武康郡

王與李晟收京師加京畿渭南商州節度使唐書方鎮

檢校尚書左僕射

載置京畿節度使領京兆同岐金商五州建中四年置

京畿渭南節度觀察使領金商二州未幾罷五州及金

州為京畿商檢校右僕射尚孤唐書尚孤傳尚可

州節度使

別種德宗將遷梁州命引兵守灞上拜神策京畿渭南

商州節度將討使進軍與李晟收長安為先鋒以功加

檢校尚書邠寧等州節度使唐書方鎮表乾元二年置

右僕射

慶涇原鄜坊丹延大厯三年罷
十四年復置邠寧慶節度使
檢校右僕射韓遊瓌唐書

韓遊瓌傳韓遊瓌靈州靈武人拜邠寧節度使李晟入
長安遊瓌破泚兵咸陽京師平遷檢校尚書左僕射

奉天行營諸軍節度使唐書百官志分注建中後行營
亦置節度使防禦使都團練使

通鑑本注乾元元年鎮西北庭行營節
度使李嗣業屯河內行營節度使始此
檢校右僕射戴

休顏唐書戴休顏傳戴休顏夏州人帝進狩梁洋畱守
奉天遷檢校工部尚書奉天行營節度使京師平

加檢校尚書右僕射
咸秉大節著于艱難同勳叶忠翼我興運宐

各與一子七品正員官諸道節度使文獻通考唐天寶
初置十道節度使

曰安西北庭河西朔方河東范陽平盧隴右劍南嶺南
其後有淮南河南江東成德宣武鎮海義成淮寧彰義

義武奉義忠武武寧永安天平河陽歸
義戎昭義昌山南諸道俱置節度使
及行在都知兵

翰苑集
卷第一
制誥
三
相經正堂藏書

馬使

蔡邕獨斷天子所在曰行在所居曰禁中又天子無外以天下為家又天子自謂曰行在猶言今雖

在京師行所至爾巡狩天下所奏事處皆為宮唐書百

官志天下兵馬元帥前軍兵馬使中軍兵馬使後軍兵

馬使各

興元扈從左右金吾大將軍

唐書百官志左右衛大將軍各一人

正三品掌宮禁宿衛凡五府及外府皆總制焉左右金

吾衛大將軍各一人掌宮中京城巡警烽候道路水草

之宜凡翊府之翊衛及外府仗飛番上皆屬焉通典漢

京師有南北軍掌理禁衛初有衛將軍魏末晉文王又

置中衛將軍武帝接受分中衛為左右衛將軍隋改為

左右翊衛唐復為左右衛金吾秦有中尉掌徼循京師

漢更名執金吾掌京師盜賊考按疑事隋改為左右武

候衛唐龍朔二年改為左右金吾衛又唐定制凡十六

衛大將軍各一人左右衛及左右金

金吾六軍大將軍

吾衛總謂之四衛其餘謂之雜衛

唐書百官志左右龍武左右神武左右神策大將軍各

一人正二品號六軍通典左右羽林左右龍武左右神

武六軍天將軍各一人通鑑本注北軍十軍左右羽林

龍武神武神威神策也神策尤盛建中之前未分左右

軍謂之神策六軍者指言神策軍與左右羽林龍武神

武六軍也又會要乾元四年十月四日勅左右羽林左

右龍武左右神武軍文等各與一子八品正員官諸道

武官並昇同金吾四衛

團練觀察處置等使文獻通考肅宗乾元初置團練使

宗時元載當國令刺史悉帶團練大率團練皆隸所治

州歲以八月考其治否以安民為上考懲姦為中考得

情為下考又唐正觀初遣大使十三人巡省天下諸州

水旱則遣使有巡察安撫之名神龍二年以五品以上

二十人為十道巡察使各道一人開元二年曰十道按察採訪

置十道按察使各道一人開元二年曰十道按察採訪

處置使二十年曰採訪處置使分十五道乾元元年改

曰觀察處置使掌察所部善惡舉大綱凡奏請皆屬于

州歲以八月考其治以豐稔為各與一子九品正員官

上考省刑為中考辦稅為下考

制誥
柏經正堂藏書

應諸軍赴上都收復將士等唐書地理志上都初曰京城天寶元年曰西京至德

三載曰中京肅宗元年曰上都俱以純誠奮其勇節連年帶甲百戰摧

鋒吳越春秋人民殷富皆有帶甲之勇左思賦摧鋒積紀芒氣彌銳有忘身以效命有

滅親以徇義誓平國難如復私讐競揚貔虎之雄克清

梟獍之孽書如虎如貔傳貔執夷虎屬也詩疏陸璣云自關而西謂梟為流離其子適長大還食其

母故張奐云鷓鴣食母漢書郊祀志注孟康曰梟鳥名食母破鏡獸名食父破鏡如獬而虎眼獬鏡通策

勳行賞傳嗣榮親播乃功名與國終始自去年冬已來

謹按去年謂建中四年也未經甄敘者即與超八資改轉已經甄敘

者更與超三資進改三品已上祖父母在先無官封者

量與致仕官及邑號亡者並與追贈四品已下父母在
先無官封者亦授致仕官及邑號亡者與追贈其賞錢
委所司卽依元勅支給應扈從將士三品已上賜爵兩
級四品已下各加兩階仍並賜勳其祖父母官封追贈
並准收京城將士例處分應扈從官普恩之外三品已
上賜爵兩級四品已下各加兩階仍並賜勳三轉其祖
父母父母封贈並准收京城例處分應扈從官普恩之
外三品已上更加爵一級四品已下更加一階若常參
官祖父母父母在先無官封者量授致仕官及邑號亡

者與追贈諸州刺史普恩外賜爵一級諸道進奏陪位

者通鑑音注唐諸鎮皆置進奏院在長安以進奏官主

便宜並改充諸道都知進奏官爾雅釋言陪朝也注陪

位為朝疏臣見君曰朝朝之列位必陪重是陪位為朝

也 更加一階其奉天定難及元從功臣唐書兵志德宗

兵有勞皆號興元元從 宣令本軍本使即定名聞奏所

奉天定難功臣恕死罪 司各准元勅優賞其諸道軍鎮唐書兵志唐初兵之戍

曰城曰鎮唐書百官志上鎮將一人正六品下鎮副二

人正七品下中鎮將一人正七品上鎮副一人從七品

上下鎮將一人正七品下鎮副一人從七品下每鎮又

有使一人副使一人凡軍鎮二萬人以上置司馬一人

正六品上不及二萬人者司馬從六品上鎮將鎮副掌

捍防守禦凡上鎮二十中鎮九十下鎮一百三十五

及行營將士三品已上賜爵一級四品已上加一階仍

准今年正月一日制速與甄敘成德淄青魏博等節度

唐書方鎮表寶應元年置成德軍節度使領恆定易趙

深五州治恆州建中三年罷興元元年復置成德軍節

度使領恆冀趙深四州至德元載置青密節度使領北

海高密東牟東萊四郡治北海郡上元二年置淄沂節

度使領淄沂滄德棣五州治沂州平盧軍節度使侯希

逸引兵保青州授青密節度使遂廢淄沂節度并所管

五州號淄青平盧節度廣德元年置魏博等州防禦使

領魏博貝瀛滄五州治魏州是年升為節度使謹按成

德謂王武俊淄青謂并諸軍應歸順將士等各蘊誠義

李納魏博謂田悅

積著功勞由朕失于撫綏頃歲暫懷疑阻尋能厲節不

替舊勳

通鑑上在奉天使人說田悅王武俊李納赦其罪厚賂以官爵悅等皆密歸款而猶未敢絕朱

柏經正堂藏書

各稱王如故興元元年春正月赦下皆去王號上表謝罪是資宴犒俾洽王澤宥

委所司即約額支計各賜錢物賞設仍委本節度准前

後勅速條疏甄敘其朔方并諸軍應在河中管內及同

州將士等唐書方鎮表開元九年置朔方軍節度使領

安二軍東中西三受降城唐書李懷光傳懷光奪李建

徽楊惠元等軍屯好時其下稍攜貳乃引兵掠涇陽三

原富平遂如河中又懷光至河中取同絳二州謹按朔

方諸軍指朔方軍及李建徽等軍也其云在河中管內

及同州將士乃懷光背畔東走自遠赴難解其重圍通鑑

所引將士在河中及同州者也自遠赴難解其重圍通鑑

上至奉天遣中使告難于魏縣行營李懷光帥眾赴長

安建中四年十一月李懷光自蒲城引兵趣涇陽並北

山而西先遣兵馬使張韶微服間行詣行在藏表于蠟

九韶至奉天值賊方攻城見韶以為賤人驅之使與民

俱填塹詔得開踰塹抵城下呼曰我朔方軍使者也城上人下繩引之比登身中數十矢得表于衣中而進之上大喜昇詔以徇城四隅歡聲如雷癸巳懷光敗泚兵于灋泉泚聞之懼引兵遁歸長安眾以為懷光復三日不至則城不守矣謹按魏縣屬魏州念茲功勞並未酬其地在河山之東故曰自遠赴難也

報雖遭脅制情有可矜應到行營未經甄敘者並准元勅超五資改轉其賞錢比收京城將士例各給一半委

本軍兵馬使條錄名銜聞奏語林近代選曹補授先具舊官于前次書擬官于後

新舊相銜也所司支計給付其食實封者亦便配額令其請

受應天下諸道軍將士等如有年老及疾患尪弱禮記吾欲

暴尪而奚若注不任軍旅願歸鄉里者並給終身優復

命范集 卷第一 制誥 柏經正堂藏書

州縣切加安存勿令侵擾如無家可歸者給田宅使得

存濟見危致命先典所尚况忠衛社稷殺身成功朕于

斯人義有加等贈太尉秀實通典太尉秦官漢因之金

相等歷代唯後周無其餘皆有悉為三公前漢百官公卿表注應劭曰自上安下曰尉唐書段秀實傳段秀實

字成公本姑臧人天授貞烈沮茲姦邪蒼黃之中獨蘊

興元元年贈太尉雄斷將紆國難詭收寇兵凶謀既虧吾事果濟忠誠奮

發手擊渠魁通鑑朱泚以司農卿段秀實久失兵柄意其必怏怏遣數十騎召之秀實閉門拒之

騎士踰垣入劫之以兵秀實自度不免乃謂子弟曰國

家有患吾于何避之當以死徇社稷汝曹宜人自求生乃往見泚泚喜曰段公來吾事濟矣延坐問計秀實說之曰公本以忠義著聞天下今涇軍以犒賜不豐遽有

披猖使乘輿播越夫犒賜不豐有司之過也天子安得
知之公宜以此開諭將士示以禍福奉迎乘輿復歸宮
闕此莫大之功也泚默然不悅然以秀實與己皆爲朝
廷所廢遂推心委之左驍衛將軍劉海賓涇原都虞候
何明禮孔目官岐靈岳皆秀實素所厚也秀實密與之
謀誅泚迎乘輿泚遣涇原兵馬使韓旻將銳兵三千聲
言迎大駕實襲奉天時奉天守備單弱段秀實謂岐靈
岳曰事急矣使靈岳詐爲姚令言符令旻且還當與大
軍俱發竊令言印未至秀實倒用司農印印符募善走
者追之旻至駱驛得符而還秀實謂同謀曰旻來吾屬
無類矣我當直搏泚殺之不克則死終不爲之臣也乃
令劉海賓何明禮陰結軍中之士欲使應之于外旻兵
至泚令言大驚岐靈岳獨承其罪而死不以及秀實等
是日泚召李忠臣源休姚令言及秀實等議稱帝事秀
實勃然起奪休象笏前唾泚面大罵曰狂賊吾恨不斬
汝萬段豈從汝反邪因以笏擊泚泚舉手扞之纔中其
額濺血灑地泚與秀實相搏恟恟左右猝愕不知所爲
忠臣前助泚泚得匍匐脫走秀實知事不成謂泚黨曰

我不同汝反何不殺我眾爭前殺之英風凜然振邁于上聞秀實死恨委用不至涕泗久之

古宜即差官致祭并進表門閭府縣護其喪事緣葬所

要一切官供唐書百官志鴻臚寺司儀署令一人正八品下丞一人正九品下掌凶禮喪葬之具

京官職事三品以上散官二品以上祖父母父母喪職事散官五品以上都督刺史卒于京師及五品死王事

者將葬祭以少牢率齋郎執俎豆以往三品以上贈以束帛黑一纁二一品加乘馬既引遣使贈于郭門之外

皆有束帛一品加璧五品以上葬給營墓夫仍于墓所官為立碑以揚徽烈

其所賜實封五百戶嫡子正員三品官諸子授正員五

品官委中書門下即准元勅處分唐書段秀實傳興元元年詔贈太尉諡曰

忠烈賜封戶五百莊第各一區長子三品諸子五品應並正員官帝還都又詔致祭旌其門閭親銘其碑云

諸道諸軍將士有身死王事者委本道本使具名銜聞

奏即與褒贈仍以在身官爵授其子孫内外文武官及

諸親諸色人等有橫遭逆賊殺害者各聽其家及親識

人于所司呈牒唐書百官志下之達上其制有六一曰表二曰狀三曰牋四曰啟五曰辭六曰

牒勘實奏聞亦與追贈如跡著忠烈眾所明知仍訪其

子孫量加優恤尚齒養老王風之首三代制禮未或遺

年禮記虞夏殷周天下之盛王也未朕將遵古典以興

化本人心而教孝用優秩賜式慰里閭京兆府前漢百官公卿

表右内史武帝太初元年更名京兆尹師古注京大也兆者眾數言大眾所在故云京兆也唐書地理志京兆

制誥柏經正堂藏書

府京兆郡本雍州屬關內道者壽年八十已上並與版授刺史仍賜

紫通鑑釋文版授謂不加誥命以版策授之也唐書車服志紫為三品之服緋為四品之服淺緋為五品之服深綠為六品之服淺綠為七品之服淺青為八品之服淺青為九品之服黃為流外官及庶人之服八

十已下及諸州府者壽年八十已上並與版授本縣令

仍賜緋天下侍老者壽謹按侍老有侍者之老也通典天寶八載制其天下百姓丈夫

七十五以上婦人七十以上宜各給中男一人充侍仍任自簡釋亦各與版授官如年

九十已上者州縣長吏歲時躬親省問貧弱不能自存

者量賜粟帛頃屬多難人流俗弊加之以師旅因之以

饑饉賦役繁起農桑失時哀哉瘡人汔可小息然以國

者量賜粟帛頃屬多難人流俗弊加之以師旅因之以饑饉賦役繁起農桑失時哀哉瘡人汔可小息然以國

計猶歉軍實靡充未盡復除良增愧悼應天下建中四

年年終已前所有諸色逋欠在百姓復內者一切放免

百司及諸軍諸使舉放利錢唐書食貨志初京司及州縣皆有公廩田供公私之

費其後以用度不足諸司置公廩本錢以番官貿易取息計員多少為月料以諸司令史主之號捉錢令史

今年六月已前百姓欠負未納者亦並停徵京兆府百

姓普恩外給復一年其供頓官吏通鑑音注車駕行幸有知頓使楊慎丹鉛

錄俗語飯曰一頓元微之連昌宮詞委京兆尹唐書百官志西

都東都北都鳳翔成都河中江陵興元興德府尹各一

人從三品通典周宮有內史掌治京師漢景帝二年分置左右內史武帝更名京兆尹與左馮翊右扶風是為三輔治長安城中唐京兆府本為雍州置牧一人以親

翰苑集 卷第一 制誥 柏經正堂藏書

王為之多以長史理人開元元年改雍州為京兆府改雍州長史為京兆尹總理眾務類例具名

銜聞奏量與優獎古者計戶以署吏因時而建職既不

乏事亦無冗員今田畝汗萊版圖凋耗周禮天官小宰八成三日聽閭

里以版圖鄭司農注齊人編戶謹按齊人猶齊民也唐版戶籍圖地圖也

書食貨志注如淳曰齊等也無有貴賤謂之齊民託庇若今言平民矣通鑑釋文編戶者謂列次民籍也

官曹貪吏猾胥誘為囊橐啟奸墮業為害尤深應在京

百司色役人及流外等綱目集覽色科名也主掌諸色雜徭役者通鑑音注雜色補官

者謂之流外官入流委御史大夫即與諸司使長官通典

內敘品謂之入流御史大夫秦官位上卿銀印青綬掌副丞相漢成帝更名大司空秩比丞相此皆為三公非今御史大夫也唐

書百官志御史臺大夫一人正三品掌以刑法糾正百官之善惡其屬爲三院一曰臺院侍御史隸焉二曰殿院殿中侍御史隸焉三曰察院監察御史隸焉凡冤而無告者三司詰之三司侍御史大夫中書門下也大事奏裁小事專達凡有彈劾御史以白大夫大事以方幅小事署後而已凡三司理事與給事中中書舍人更值朝堂若三司所按而非其長官則與刑部郎中員外郎大理司直評事往訊開元中又置御史裏行使侍御史裏行使監察御史裏行使審詳商議據見所掌事之閒劇

定額聞奏仍校名送中書門下務從減省副朕憂人以後應須署置並定名先奏仍永爲常式今年正月一日赦書節目有所未行者所司並舉而行之赦書或有不該卽比類條件聞奏敢以赦前事相言告者以其罪罪

之亡命山澤挾藏軍器百日不首復罪如初赦書日行
五百里布告遐邇咸使聞知

唐陸宣公翰苑集卷第一終